

«Olümpiävõitja» lupa  
selgelenägijäs naada


Kae lk 2

Võromaalt nõsõs  
vahtsõnõ autorallitäh

Kae lk 3

Ruitlanõ osatas  
reklaamiusku ulle

Kae lk 4



## Adsoni-võistlus Sännän tagasi

Koolilatsõ võinu joba luulõ-  
lugõmist hafõtama naada: juri-  
päävä, 23. mahlakuu pääväl  
kell 13 tulõ 11. kõrda võrokee-  
line luulõvõistlus Adsoni Arturi  
avvos.

Remondi peräst kolm aastaka  
muial tettü Adsoni-võistlus  
om tagasi kirämeche kodokülän.  
Võistlus om Sännä mõisan.  
Üten lüvvä võiva kõik vana  
Võromaa koolilatsõ.

Egä lats saa lukõ üte pala:  
Adsoni vai mõnõ töösõ kirotaja  
võrokiilse luulõtusõ vai jutu  
(osa jutust). Hindaminõ käü kol-  
mõ vannusõrühmä perrä: 1.–4.,  
5.–9. ja 10.–12. klass.

Egäst koolist oodõtas ekkä  
vannusõrühmä üte esinejät vai  
kooni nelä liikmõga rühmä.  
Koolin võinu inne võikilugõ-  
misõ tetä ja tuu perrä kõgõ  
parõmba lõppvõistlusõl ülesast-  
ja vällä valli.

Luulõlugõmisõ häädüst hin-  
das žürii, midä om lubanu vitä  
Rõugõst peri Eesti draamatiatri  
näütlejä Mureli Hilje.

Võistlusõ kõrraldaja omma  
Võro instituut ja Sännä mõisa-  
keskus. Lähkumbät teedüst Ad-  
soni-võistlusõ kotsilõ saa tel  
782 8754, 5614 3780 vai allas.  
tiia@gmail.com. Esinejät saava  
hinnäst kirja panda nikani ku  
19.04.

«Sännä trubaduuri lõ» Ad-  
sonilõ (1889–1977) pühendet  
võrokeelidse loomingu ette-  
kandmisõ võistlusõ mõtõ om  
suurt luulõtajat miilde tulõta ja  
lukõ tõisigi kiränige võrokiilset  
loomingu. Edimäne võistlus oif  
jo 1999. aastagal Adsoni Arturi  
110. sünnüaastapäävä avvos.

## Perimõsmuusika kontsõrt Rõugõn

23. urbõkuul (23.03) kell  
19 tulõ Rõugõ rahvamajan  
perimõsmuusika kontsõrt.

Üten mängvä ja laulva Johan-  
soni Jaak ja flaami toropillimiis,  
oppaja ja folgipitõ kõrraldaja  
Stefan Timmermans.

## Lauluõdagu Õunapuu Lauriga Sännän

Sännä kultuurimõisan naa-  
tas lauluõdagit kõrraldama,  
edimäne om 9. urbõkuul kell  
19. Saa laulda vannu laulõ  
üten ansambli Metsatõll rahva-  
pillimeche ja rahvalauligu  
Õunapuu Lauriga. Järgmäde  
lauluõdagu tulõva 22.03,  
13.04, 27.04, 4.05 ja 18.05.

## Keelepaja Põlva ütisgümnaasiumin

Et seo aasta om Põlvan peri-  
mõsaasta, sis otsust Põlva  
ütisgümnaasium tulõvat imä-  
keelepäivä 12. urbõkuu pääväl  
esimuudu meelen pitä.

«Hariligu aktusõ asõmõl  
tüütäse terve päävä «keelepa-  
ja» 5.–12. klassi opilaisilõ.»  
kõnõlõ kooli eesti keele oppaja  
Pintsoni Merle. «Küllä tulõ-  
va asatundja, kiä kõnõlõsõ  
perimõsõst, latsiga tandsitas  
ja lauldas võro keelen, tetäs  
viktoriine ja pandas kokko  
imäkeelepäivä aoleht.»

## Raamadunäütis käü ümbretsõiri

Võro instituut pand minevä riidi  
Tarto Kiviliina gümnaasiumin  
üles näütise tarto- ja võrokee-  
litsist raamatist.

Vällän om 44 raamatut üten  
seletüsega, mille üts vai tõnõ  
tähtsä om olnu. Osa raamatist  
omma nii ainulidsõ, et noid tulõ  
klaasi takan näüdadä, tõisi saa  
ka kaemisõs kätte võtta. Tuud  
näütist saa lugõmisõ aasta pu-  
hul ka muialõ telli.

## Kats vana Võromaa kuuli pandas kinni

Sügüsest olõ-i inämb olõman  
Räpinä valla Naha ja Laheda  
valla Vana-Koiola algkuuli.

Naha koolin opp parhilla  
katõssa ja Vana-Koiola koolin  
kümme opilast. Sügüse es lännü  
kummagi kooli 1. klassi üttegi  
last, üteldi vallavalitsuisist.

UL

# Põlvan om perimõsaasta

ALLASÕ TIIA

Minevä riidi, 5. urbõkuu  
pääväl kuulutõdi vällä Põl-  
va liina perimõsaasta.

Põlva Mesimummi latsiaia  
folklooriandsambli Käokir-  
jas oif üts noist, kiä lauli  
minevä riidi õdagu Põlva  
raamadukogon valla liina  
perimõskultuuriaasta.

Põlva liinapä Tammõ  
Tarmo põhjend timahavvast  
perimõskultuuriaastat ka  
tuuga, et lehekuun peetäs  
Indsikurmun tõnõ Uma Pido.  
«Loodami, et taa pidoga  
lüvväs Indsikurmun ossavõt-  
jide ja päältaekajidõ rekord.»  
ütel liinapä.

Maavalla kua vanõmb  
Kaasiku Ahto tekk valla ka  
Eesti luudusligõ pühäpaiku  
pildinäütise, miä jääs ka-  
emisõs kuu lõpuni.



PARHOMENKO EDUARDI PILT

Põlva Mesimummi latsiaia folklooriandsambli Käokirjas Põlva perimõsaastakka valla lõ laulman.

# Noorõ talonigu toetus and kimmüst

PEEDOSAARÕ KAISA

PRIA om är otsustanu,  
määndse noorõ talonigu  
saava timahava põlluma-  
jandusõga päalenakka-  
misõ tukõ. Mikandi nuuri  
talupidäjide jaos om sää-  
ne tugi suurõs abis.

Tukõ sai küssü nikani ku  
625 864 kruuni. Küssüjit oif üle  
Eesti 222, rahha jakku 44-le.  
Näist 12 om Põlva, Võro vai  
Valga maakunnast.

«Olõ innembi kats aastat  
pruuvnu noorõ talonigu toetust  
saia, timahava sai vast teno  
toolõ, et võtsõ üle esä talo.»  
kõnõlõs Räime Meelis (37),  
Võro valla Rāpo külä Jaani  
talo nuurperemiis.

Timä sai PRIA käest 300 800  
kruuni mahhelambapidämise  
edesiviimises.

Räime Meelis kõnõlõs, et  
sääne tugi avitas iks väega:  
saa iks suurõmbalt investii-  
ri ja tulõvigu pääle märki. Uma  
lamba müü tä parhilla Märja-  
maalõ. «Villa ja naha sai kah  
maaha müvvä: ku otsit, lõvvät  
iks ostja kah.» seletäs tä.

«Mahhe tuuperäst, et inämb  
Eesti lambakasvatustõst omgi  
mahhe jo.» kõnõlõs Meelis.  
«Lammas olõ-i nõudja  
elläi, kinkal olõs vaia jõusüütä  
vai midägi. Vilä ja kõik muu  
kasvada lambilõ esi.»

Räime Meelise põhitüükõ-  
tus om hoobis politsein, tä om  
Võro arestimaja juhtkonstaab-



PILT ERÄKOGOST

Jaani talo 45päälne lambakari Rāpol nakkas teno peremehe  
saadulõ nuurtalonigu toetusõlõ kasuma.

li. Mahhelambit pidä tä pääle  
tüüd. Parhilla om põhikafan  
45 pääd.

Kanepi valla Näräpää külä  
Sikahansi talo nuurperemiis  
Sae Sigmar (26) sai 604 400  
kruuni vilä- ja rapsikasvata-  
misõ edesiviimises. «Seo to-  
tus avitas iks alostamisõ man  
pallo.» om täl hää miil.

Sigmari ettevõtõ OÜ Han-  
si plaan osta kõrrõkuurja,  
kuivusõ, vilätuulaja, väctüst,  
kütet. «Eks tehniiga om kõgõ  
kallimb.» seletäs Sigmar.  
«Märgotimi, et vast ostami  
pruugidu massina, a vast iks  
pidänü vahtsõ ostma. Sis piät  
muidogi umast karmanist kah  
mano masma.»

Sigmar naas talupidämisega



PEEDOSAARÕ KAISA PILT

Jaani talo nuurperemehe  
Räime Meelise põhitüükõ  
politsein.

jahmõrdama paari aasta iist,  
päält kuuli.

Timä vanõmba naksi tallo  
pidämä kõrraga päält tuud,  
ku Eesti jäl vabas sai, 1990.  
aastidõ alostusõn.

Talo kasvatas villä ja rapsi,  
tsipakõsõ ka mõroritka (mäde-  
rõigas), miä lät suurõmbalt  
jaolt Põltsamaalõ purkipand-  
misõs.

Noorõ talupidäjä tukõ saiva  
ka sõsara Trahvi Kertu (22)  
ja Sirje (26) Karulast. Näide  
Küüniniidu talolõ anti 625 000  
kruuni vahtsõ traktori, eläjide  
sõõdamaja ja asõmõmattõ  
ostmisõs.

Tütrikõ esä Trahvi Sulev  
(49) ütles, et muido omma neo  
asä näide talo jaos iks pallo  
kalli osta.

Kimmäle avitas seo tugi  
timä tütril talupidämisega  
vahtsõ huuga tegelemä naa-  
da. Parhilla om tütrigõl põ-  
hitüü Tarton, talon mässäse  
nä nädälivahetusõl. Nädäli  
seen hoitva eläjil silmä pääl  
vanõmba.

OÜ Küüniniidu pidä päält  
300 eläjä. Piimakarja om 70  
pääd, tõsõ omma lihaeläjä.  
Piim lät Rannu meicirile, liha-  
eläjä Rakviirde.

Et piimäliitri hind om väega  
otav, sis märgotas pere, et  
piimakarja piät iks vast perä-  
kõrd är häõtämä.

Nuurtalonigu tukõ saava  
küssü kooni 40aastadsõ maal  
toimõndaja ettevõtjät, nii firma  
ku FIE.

Toetus mastas vällä kõrraga,  
mitte päält eläjide vai tehni-  
ga välläostmist. Talonigul  
om aigu kats aastakka rahha  
kuluta ja tuu kotsilõ PRIALõ  
paprõ saata.

## UMA PIDO

KU KESKOTUS KIMMÄS, SÕS LADVA LAULVA



HARJU ÜLLE PILT

Kunnakuurõ pääkunna harõdi Uma Pido laulõ. Pühapäävä, 7.  
urbõkuul opaas Uma Pido kunnakuurõ üldjuht Otsari Silja (kural) pere-  
sõprus-, kogokunna jt kuurõ juhtõlõ, kuis Uma Pido laulõ laulda. Umma  
Pitto taht minnä 15 kunnakuuri.

UL

(Loe Uma Pido asjo kotsilõ edesi 3. lk päält!)



## Savvusann

Võromaa inemiisi mälehtüse savvusannast: kuis sääl käüti, midä kõnõldi, midä pääle mõskmisõ viil tetti ja miä viil sannast meelen om.



Uma Leht kutsõ inemiisi üles saatma juttõ savvusannust. Meile saadõti hulga juttõ mitmõst vana Võromaa nukast. Panõmi naa jutu kõrdapite lehte. Tuujaos om seo vahtsõnõ rubriik «Savvusann». Ku mõnõl inemisel jäi uma sannajutt tähtaos saatmalda, olõ-i tuust kah hättä, saatkõ julgõhe takastperrä! Egä jutt om üts tsilokõnõ sammukõnõ tuu poolõ, et mi savvusann saanu UNESCO ilmaperändi nimekirja.

### 1. jutt. Haanimaa savvusannust

Suurõmba jao umast elost olõ käünü õks savvusannah. Tuud sanna küteti innembi-de õks haoga, viimätsel aol puiõga. Keresekeivi olli otsidu ja validu. Ku ütski «sinikivi» essü keresekeivve sisse, sis tuu tsurksõ kõgõ sannahkäümise ar, sann olf mõro ja peräh olf päävalu.

Sanna uss tetti matal, muido lätt lõunõlämmi ussõ vahelt ar vällä. Õga savvusannu es püüdäki tetä ilosit. Päätätsä olf, õt sai hikõ vällä aia, mõskõ ja ka lihha suidsuta.

Sannaviha tetti vana ja vahtsõ jaanipäävä vahel. Otsiti kost nurmõ vai kafamaa veerest lihhav kõiv, koh siimne-tilku otsah es olõ, ja tuust õks aastajago vihapaarõ tetä sai.

Sannavii lämmistämises olf mõnõl perrel katlakõnõ, mis panti keresekeivve sisse tsopakõistõ. Vai sis painutõdi raudtoras hobõsõravva muudu kõvõras ja kerese seest lätsi torootsa puust viipüttü. Vai sis viidi kuum vesi pangõga tarõ kõögist. Hää, ku sann olf õks viikogo veerh vai lähküh.

Ku sannah vihtlõma naati, sis esä ja vanaesä nõudsõ, õt vihtlõminõ pidi käümä «takti perrä», õt nuu vihialaksu pidi käümä ütstõõsõ ala, a mitte kõrraga, ku katõkõistõ vihuti.

Kõgõ noorõmb olf õks tuu lõunõviskaja ja pidi lava pääl olõjidõ sõnna kullõma, õt ku pallo vett võisõ keresche hiitä.

Vanast olf mõnikõrd kirpõ musta hammõ seeh, sis säläst-võtmisõ aigu visati keresche lõunõ ja saputõdi hamõt kuum auru seeh. Ku paar prõksu kuulda olf, sis olf teedä, õt paar kirpu otsa sai.

Mõskmisõs olf inämbüisi õks umakeedet siip. Peris vanast mõsti hiusit ja ihho tuhalipõga. Tuu tapsõ hiusih täie ja tingõ ka ar.

Innembi-de, ku maal käsitsi-tiüd pallo olf, sis olf naid tõi ja häti ka pallo. Sann olf tuu paik, koh püüti hinnast tohtõrda. Kuumah sannalõunah tasoti, hõõrutu ja vihuti haigit kotussit ja mõnikõrd sai pallo parõmb kah.

Mi kandih ütël vanamehel olf sälg väega haigõ ja rohto muud es tiiä ku kuum sann ja tärbeniiniga määri. Võtsõ sis

tärbeniinipudõla ütch ja läts töõsõtarõ mano sanna. Sääl kuumah lõunah poisi sis hõõri timä haigõt sälgä ja vahel vali tärbeniinini kah sälä pääle. A tärbeniin vaio säälõhko ja säält alla vähämbähe lohko. Ütekõrraga nakaš vanamiis aiatama ja kargõlõma. Tärbeniin olf lännü sinnä, kohe ta es pidänü minemä. Ilmarahval sai tuust jandist hulga aigu takah kõnõlda.

Vanast, ku nätti, õt kohki taloh äripäävä sann küttü, sis üteldi, õt sääl õks lats sünnüs tuul pääväl. Lämmi sann olf kõgõ parõmb ja varisamb paik, koh tuud toimõndust tetä.

Ka korvikudajilõ olf kuum sann abis. Leotõdu pedäjäpirru lõmmu võeti viist vällä ja panti sanna kuuma sau sisse vinduma. Lämmält sai lõmmust pallo parõmbahe pirdõ kisku.

Väega tähtsä asi savvusannah om tuu, õt saias lihha suidsuta. Soolat liha suidsutõdi õks keväjä, ku suurõ vii joosi. Talvõl süüdi õks luuga liha ar ja suidsutamisõs jäivä rohkõmb pekidse lihatükü. Suidsutamist alostõdi riide õdagu, sis saadi puulpäävä õdagu pääle lihasuidsutamist sannah ka ar kävvü.

Lihatükü panti sanna lac ala parsilõ vai kapluga lac ala rippa. Algusõh panti lihatükil kammar ülespoolõ ja küteti tassa, õt suulvesi lihast vällä tsilknu. Kütämises võeti kuivi ja ka tuurit lepähalgõ. Tuli säeti nii, õt savvu olõsi pallo, a kuuma jaoperäst.

Töõsõl pääväl, hummogu, kääneti lihatükil töõsõ poolõ, kammar allapoolõ, ja panti anomit põrmandu pääle ala, sääl kohe tuud väke vai rasva tsilkma nakaš. Pääle tuu tetti sääne tuli ala, mis liha ilostõ ar küdsä. Ku lihasuidsutamisõ läbi, sis mõsti rasvast sannapõrmandut tuha ja mõsupulbriga ja kuuma viiga.

Pääle lihasuidsutamist olf sannah hää olla. Kõik sannapalgi aiva kuuma vällä ja hää lihalõhn. Säält sannast es taha ar vällägi tulla.

Meil lähküh üts kokkohoitja peremiis es kannaha tuud, õt lihust tsilgus rasva põrmandu pääle. Peremiis lask sepäl tetä raudplekist panni ja pand lihatükü pannõga savvusanna lac ala suitsuma.

A panni lätsi sanna lac all nii kuumas, õt ku peremiis töõsõl pääväl lihulõ tõi puuli nakaš käändmä, sis timä hindä jutu perrä olõ õs alalõ jäänü muud ku kamara ja luu. Rasva sai tä muidogi kätte, olkõgi õt savvumaiguga.

Noid savvusannu olõ ma umah elõh nännü õigõ mitu, mis ar omma palanu, inämbüisi lihasuidsutamisõ aigu. Tuuperäst tetti savvusanna muist huunist kavvõmbahe, õt ku palama lätt, sis olõ-i kaho nii suur.

PRESSI HELDUR  
Haanist Pressi küläst

# Võrolt nõsõs rallitäh

PEEDOSAARÕ KAISA

Rallitaivalõ om nõsõman vahtsõnõ täht: nuur Võromaa poiss Plangi Siim (17) jäi mineväästa kipõ sõiduga silmä autoralli maailma-meistrivõistluisil.

«Tõsõ võiva aastit sõita ja iks olõ-i midägi ette näüdä. A timä tull ja võitsõ.» imchtäs rallihuvilinõ Peedosaarõ Olvar Siimu kipõt edesiminekit.

Inglüsmaal olnu maailma-meistrivõistlusõ tulõmuisi pidä ka Siim esi hindä kõgõ suurõmbas saavutusõs. «Päält edimäst päivä olli ma katõvecoliidsi massinidõ klassin edimäne, a tõsõl pääväl vidi massin alt ja pidi vaihõlõ jätmä. Kolmandal pääväl olli jälki hää ao.» seletäs Siim. Tä ütles tuu võistlusõ kotsilõ, et sääl võistli kuun kõik, nii noorõmba ku vanõmba. Esi klassi olli õnnõ massinidõ perrä.

Võro Kreutzwaldi gümnaasiumi 11.d klassi poiss Siim naas rallit sõitma nelä aastaga iist. Timä hindä jutu perrä peris juhusligult. «Väega noorõst pääst sai tsipakõnõ ijäraa pääl sõitmist proovitus, a sis esä paksõ vällä, et poiss, nakka taa ašaga tõsõtõmbalt tegelemä.» kõnõlõs Siim.

Nii lätski tä Tabasalu «Noortesprindile» pruuvma ja sai 4. kotussõ.

«Ku arvõsta, et mu vastadsõ olli joba kats-kolm aastakka rallit sõitnu ja ma edimäst kõrda sändsõl üritõsel, sis ütle, et väega häste läts.» arvas Siim. Säält edesi om täl joba rida



Plangi Siim om joba võitnu mitu suurt autorallivõistlust.

PEEDOSAARÕ KAISA PILT

võitõ ette näüdä.

2008. aastagal sai tä Lado-ga rallil (Vinnemaa meistri-võistlusõ) edimäde kotussõ A6 klassin, mineväästa võitõsõ Antsla ralli A7 klassin ja Lõuna-Eesti ralli A6 klassin. Niisama võitsõ tä mineväästa ka Leedu meistrivõistlusõ Rally Utena.

Siimul om uma lühkü rallimehepõlvõ joosul iks ka õnnõtuisi juhtunu. Om puid maaha sõitnu ja massina üle katussõ kah käändnõ. «Kõik om siski õnnõligult lännü, massina omma scoilmaigu iks väega kimmä.» seletäs tä.

Siimu sõbranna Tarrendi Marian (18) ütles, et timä kah iks pelgäs tsipakõsõ Siimu peräst: «Ku Siim massinast vällä astus, om iks kimmämb tunnõ.»

Siimu esä, transpordiettevõtja Plangi Urmas (41) ütles poja kotsilõ «kohusõtundlik ja võiduhimolinõ». Marian ütles

mano, et Siim om ka ambitsioonikas ja taht kõkkõ väega häste tetä. Nuu joonõ pasva rallisõitjalõ häste.

Et kõrraligult, kipõlt ja julgõlt sõita, om vaia hääd massinat. Siimu tagaotsa all om parhilla Honda Civic Type-R: timahava ostõt peris vahtsõnõ massin. «Massina hindä nii väega es tahtnu üteldä,» om Siim seo kotussõ pääl tsipakõnõ tasalik. Ku kaia Rally. ee kodolehte, sis sääl müvväs sama margi massinit kõgõ odavambalt 11 500 euro ja vahtsit-kallimbit 100 000 euro ümber.

Umma vahtsõt massinat käü Siim iks egä nätal Järveren esä tüü man garaažin kaeman, et nätä, kuis auto saias om.

Ku Siim rallit sõitma naas, sis tugõsi poja tegemiisi esä. Et Siim om ralli-ilman nii kõvas tegijäs saanu, sis perämäde kats aastakka omma massinidõ ja võistluisil käü-

mise jaos rahha andnu joba sponsori.

«Nä iks uskva väega Siimu,» ütles Plangi Urmas. «Seo aasta olõ-i viil ütski firma avitamisõst är ütlenü. Mu tüü om näid pallõlda ja iks vahtsit mano meelütä.» Timahava om plaan tugõjas kaubõlda Honda tehäs Jaapanin. Kirävaihtus tuuga joba käü ja pia paistus, kas kaup saa kokko.

Siim unistas külh parhilla peris rallisõitja ammõtist, a om iks katõ jalaga maa pääl ja pidä hää haridusõ saamist tähtsämbäs. Taht minnä ülikuuli edesi opma, ala om viil vallalinõ. «Või-olla midägi massinidõga kõüdetüt vai sis arvudiašandust,» märgotas tä.

Esä Urmas arvas kah, et sport peris tüüs ei passi: aoga tulõva iks noorõmba, kipõmba ja osavamba pääle.

UMA PIDO  
KU KESKKOTUS KIMMÄS, SÕS LADVA LAULVA

### Tulõ tõnõ «Uma laulu» võistlus

9. urbõkuust (9.03) lätt vallalõ vahtsidõ võrokeelitside laulõ võistlus «Uma laul 2». Võistlusõlõ oodõtas umakeelitsit ja umaloominguliidsi laulõ.

Millest laul(u) tetä, või laulukirotaja esi valli. Esieranis suurõ huviga uutva kõrraldaja latsilaulõ.

Laulu võiva olla nii rahvaligu ku peris muuds. Ka vanna (nt regilaulu) ja vahtsõt (seoilma-ao teema) või kokko klapita.

Laulutekst(i) (ku suuvi om, sis ka kirja pant viis) tulõ är saata kõgõ ildampa **25. mahla-kuu pääväs (25.04)** Võro seltsile (Tarto 48, 65609 Võro liin) vai smeeliste@gmail.com.

Võistluskontsõrt tulõ 30. mahlaakuu pääväl Pokumaal. Võistlõsõ laulu, mitte näide ettekandminõ. Hää olnu, ku laulukirotaja esi laulnu kah.

Laulõ hindas žürii. Hindajaja omma tunnõdu muusigainemise ja Eesti kirändüsmuusõumi

### Lauluproovi «Naisilõ nurmõst» ja «Miihile mõtsast»

ašatundja.

Lisas valitas ka päälkaejidõ lemmik. Parõmba laulu saava avvohinna.

Nuu pandva vällä Eesti kirändüsmuusõum, suurõtiimuusõum, Savi turismitalo, Taevaskoja Salamaa, hotell Pesa, MTÜ Piusamaa, Pokumaa ja Nopri meierei.

Kõik võistlõja saava priipiledi Umma Pitto. Mõnõ võistluslaulu valitas vällä ja lauldas Uma Pido pääväprogrami aigu Põlvän.

Võistlusõlõ saadõdu laulu ja video võistluskontsõrdist saadõtas Eesti rahvaluulõ arhiivi.

Edimäne «Uma laulu» võistlus peeti 2008. aastagal inne edimäst Umma Pito. Võistli 26 laulu.

Võiduluku, Ilvesse Aapo «Lodi tuu ja lodi vii», laulva segäkoori tõsõl Umal Pitol.

Lähkümbät teedüst tõsõ «Uma laulu» võistlusõ kotsilõ saa Meeliste Siimu käest tel 5647 8568, smeeliste@gmail.com vai www.umapido.ee päält.

Ka seo kuu omma Uma Pido lauluproovi noilõ miihile ja naisilõ, kiä egäpääväselt laulman ei käü.

Naisi kokkosaamisõ omma 15. 03 kell 19 Võrol Kandlõ kultuurimajan, 16.03 kell 18 Põlva kultuurikeskõnõ.

Miihi kokkosaaminõ om 28.03 kell 16 Vana-Koiola rahvamajan.

Uma Pido naisi- ja miihikuurõ kuundpruuv (tuu tähendäs pruuv, kohe tulõva kõik naisikoori ja miihikoori) om pühapävä, 2. lehekuu pääväl (2.05) kell 13 Põlva kultuurikeskõnõ.

Võro maakunna naisikoori tulõva eräle kokko 4. lehekuu pääväl kell 18 Võro Kreutzwaldi gümnaasiumi aulan.

Võro nurmõnaisil om sõs võimalus valli katõ kokkosaamiskotussõ vaihõl. Ku võimalik, soovitasõ kõrraldaja valli Põlva, selle et sääl saa miihi-naisikuurõ ütitsit laulõ ütlen miihiga hafota.

Teedüst saa Tammeoro Sai-di (tel 509 7391), Ilvese Helga (tel 528 3549) vai Määri Andrese (tel 528 4859) käest

ja Uma Pido kodolehte päält www.umapido.ee.

UL

### «Uma Pido koori Mooste folgipitto!»

«Uma Pido» koori omma oodõdu jüripääväl (23.04) Moosteche.

11. Eesti rahvamuusikatütü-lüisi pido «Moisekatsi elõhelü» kõrraldaja kutsva Umalõ Pitolõ minejä naisi-, miihi- ja segäkoori Mooste mõisahe ütitselt laulma.

Joba neländät kõrda tetäs suur folgipido vallalõ ütides laulmisõga Mooste järve veeren. Et timahava om pia perrä tulõman Uma Pido, sis mõtõldigi seokõrd järve veeren Uma Pido laulõ laulda.

Koori, kiä tahtva Moosteche laulma minnä, pidänü hinnäst inne kirja pandma folkfest@polvamaa.ee pääle: koori ja koorijuhi nimi, ku pallo lauljit tulõman om. Kirja saa panda nikani ku urbõkuu lõpuni (31.03).

Teedüst saa Põdekrati Ülle käest tel 508 7825 vai folkfest@polvamaa.ee.

UL

